

PRIJEDLOG

Na temelju članka 15. stavak (1) Zakona o štrajku zaposlenih u institucijama Bosne i Hercegovine ("Službeni glasnik BiH", broj 41/16), i članka 17. Zakona o Vijeću ministara Bosne i Hercegovine („Službeni glasnik BiH“, br. 30/03, 42/03, 81/06, 76/07, 81/07, 94/07 i 24/08), na prijedlog Instituta za intelektualno vlasništvo Bosne i Hercegovine, Vijeće ministara Bosne i Hercegovine, na ___ sjednici održanoj __. _____ 2018. godine, donijelo je

O D L U K U **O UTVRĐIVANJU MINIMUMA PROCESA RADA ZA VRIJEME TRAJANJA ŠTRAJKA** **U INSTITUTU ZA INTELEKTUALNO VLASNIŠTVO BOSNE I HERCEGOVINE**

Članak 1. **(Predmet)**

Ovom odlukom utvrđuje se minimum procesa rada u Institutu za intelektualno vlasništvo Bosne i Hercegovine (u daljem tekstu: Institut), za vrijeme trajanja štrajka zaposlenih u Institutu.

Članak 2. **(Pravo na organiziranje štrajka)**

Zaposleni u Institutu mogu organizirati štrajk sukladno Zakonu o štrajku u institucijama Bosne i Hercegovine ("Službeni glasnik BiH", broj 41/16), na način koji neće ugroziti javni interes, opću sigurnost, sigurnost lica i imovine, kao i samo funkcioniranje Instituta.

Članak 3. **(Minimum procesa rada)**

Zaposleni u Institutu mogu početi štrajk, ako se osigura minimum procesa rada koji osigurava nesmetano funkcioniranje svih organizacijskih jedinica Instituta.

Članak 4. **(Kriteriji za osiguranje minimuma procesa rada)**

Minimum procesa rada u Institutu za vrijeme trajanja štrajka određuje se prema sljedećim kriterijima:

- postojanje obveznih rokova za okončanje poslovne aktivnosti;
- protokolarni poslovi;
- obavljanje pravnih i kadrovskih poslova koji reguliraju radno-pravni status zaposlenih;
- poslovi financijskog upravljanja i računovodstva.

Članak 5. **(Osiguravanje minimuma procesa rada)**

(1) Ukoliko do početka štrajka ne dođe do rješavanja spora mirnim putem, ravnatelj Instituta, na prijedlog rukovoditelja organizacijskih jedinica, posebnom odlukom raspoređuje zaposlene u Institutu na odgovarajuća radna mjesta, kako bi se osigurao minimum radnog procesa za vrijeme trajanja štrajka.

- (2) Rukovoditelji organizacijskih jedinica nakon organiziranja štrajka dužni su odrediti poslove i radne zadatke koji ne trpe odlaganja i koje je neophodno izvršavati za vrijeme trajanja štrajka.
- (3) Odlukom iz stavka (1) ovog članka ne mogu se rasporediti za rad članovi štrajkačkog odbora, bez suglasnosti štrajkačkog odbora.

Članak 6.
(Odgovornost u slučaju nepoštivanja odluke)

Zaposleni koji je odlukom ravnatelja iz člana 5. stavak (1) ove odluke raspoređen da radi za vrijeme štrajka a odbije raditi, disciplinski odgovara za težu povredu službene dužnosti.

Članak 7.
(Provođenje Odluke)

Za provedbu ove Odluke zadužuje se Institut.

Članak 8.
(Stupanje na snagu)

Ova odluka stupa na snagu danom donošenja i objavljuje se u "Službenom glasniku BiH".

VM broj: _____ /18
____. _____ 2018. godine
Sarajevo

Predsjedavajući
Vijeća ministara BiH
dr. Denis Zvizdić, v. r.

O B R A Z L O Ž E N J E

Odluke o utvrđivanju minimuma procesa rada za vrijeme trajanja štrajka u Institutu za intelektualno vlasništvo Bosne i Hercegovine

I PRAVNI OSNOV

Pravni osnov za donošenje ove odluke nalazi se u članu 15. stav 1. Zakona o štrajku zaposlenih u institucijama Bosne i Hercegovine ("Službeni glasnik BiH", broj 41/16), kojim je propisano da se minimum procesa rada za vrijeme štrajka utvrđuje aktom koji donosi Vijeće ministara Bosne i Hercegovine u formi odluke, na osnovu prethodno dostavljenog prijedloga poslodavca na koji je pribavljena saglasnost sindikata, radi zaštite javnog interesa, općeg interesa građana, opće sigurnosti, sigurnosti osoba i imovine, vodeći posebno računa da se moraju osigurati nesmetani uslovi života, rada i kretanja osoba, robe i usluga, te u članu 17. Zakona o Vijeću ministara Bosne i Hercegovine ("Službeni glasnik BiH", br. 30/03, 42/03, 81/06, 76/07, 81/07, 94/07 i 24/08), prema kojem Vijeće ministara BiH u ostvarivanju svojih prava i dužnosti donosi odluke i druge akte.

II RAZLOZI ZA DONOŠENJE ODLUKE I OBJAŠNENJE ODABRANE POLITIKE

Zakon o štrajku zaposlenih u institucijama Bosne i Hercegovine ("Službeni glasnik BiH", broj 41/16), u članku 26. propisuje obvezu donošenja ovakve odluke od strane Vijeća ministara Bosne i Hercegovine na osnovu prethodno dostavljenog prijedloga poslodavca na koji je pribavljena saglasnost sindikata. Takođe, Vijeće ministara Bosne i Hercegovine je na 139. sjednici održanoj 16.4.2018. godne donijelo zaključak kojim se sve institucije Bosne i Hercegovine zadužuju da pripreme prijedloge odluke o utvrđivanju minimuma procesa rada za vrijeme štrajka u svojoj nadležnosti, te ih upute Vijeću ministara Bosne i Hercegovine na donošenje.

Prilikom izrade Ove odluke posebna pažnja je posvećena preciznom normiranju pitanja koja se odnose na osiguranje minimuma procesa rada u Institutu za intelektualno vlasništvo Bosne i Hercegovine za vrijeme trajanja štrajka.

III – PRINCIPI NA KOJIMA JE ZASNOVAN PROPIS

Principi na koji je zasnovana ova odluka su: zakonitost, transparentnost, jednakopravnost, zaštita prava državnih službenika, zaposlenika i zaštita javnog interesa.

IV - USKLAĐENOST PROPISA SA EUROPSKIM ZAKONODAVSTVOM

Analizom sekundarnih izvora prava Europske unije utvrđeno je da materija koja se utvrđuje Prijedlogom odluke nije regulirana pravno obavezujućim aktima Europske unije, te sukladno navedenom nije moguće dati ocjenu usklađenosti.

V – PROVEDBENI MEHANIZAM I NAČIN OSGURAVANJA POŠTIVANJA PROPISA

Za provođenje i osiguranje poštivanja odredbi ove odluke zadužen je Institut, odnosno zaduženi su rukovoditelji organizacijskih jedinica i zaposleni koji su određeni kao odgovorni za osiguranje minimuma procesa rada za vrijeme trajanja štrajka.

VI – FINANCIJSKA SREDSTAVA ZA PROVEDBU PROPISA

Za provođenje ove odluke neće biti potrebna dodatna financijska sredstva, a što je iskazano u obrascu OFP – NE.

VII – OBRAZLOŽENJE MOGUĆIH EKONOMSKH, SOCIJALNIH I OKOLIŠNIH UTJECAJA PROPISA

Ova odluka nema nikakvog okolišnog ni ekonomskog utjecaja, dok je socijalni utjecaj vjerovatno mali, s obzirom da se istom, kao provedbenim propisom, samo detaljno uređuje osiguranje minimuma procesa rada u Institutu za vrijeme trajanja štrajka.

VIII - OPIS KONSULTACIJA VOĐENIH U POSTUPKU IZRADE ODLUKE

U skladu sa članom 15. Zakona o štrajku zaposlenih u institucijama Bosne i Hercegovine, tekst ove odluke je dostavljen na saglasnost i sindikatu.

Predloženi tekst odluke sa obrazloženjem objavljen je na platformi e-konsultacije, što je iskazano u Izvješću o obavljenim konzultacijama.

[kraj teksta]